

## ფრე ჰანოვერში

მეორე მატჩი თბილისის „დინამოს“ ფეხბურთელებს, რომლებიც გერმანიის ფედერაციულ რესპუბლიკაში იმყოფებიან, ჰქონდათ ე. ჰანოვერში. აქ ისინი შეხვდნენ ადგილობრივ გუნდს – „ჰანოვერ-96“.

დინამოელებმა მძლავრი შეტევით დაიწყეს თამაში. მათ პირველივე წუთებიდან აიღეს ხელთ ინიციატივა და თითქმის განუწყვეტლივ უტევენ მონინალმდევის კარს. მე-12, მე-20 და 35-ე წუთებზე მასპინძელთა კართან არ იქნა გამოყენებული გოლის გატანის უაღრესად ხელსაყრელი შესაძლებლობანი და ტაიმი დამთავრდა უშედეგოდ – 0:0.

მეორე ტაიმი თბილისელებმა კვლავ შეტევით დაიწყეს. მესხი სწრაფად გაიჭრა თავის ფლანგზე და გადააწოდა ცენტრში, სადაც ღროზე გავიდა კალოევი და თავით გაგზავნა ბურთი კარში – 1:0. მცირე ხანს შემდეგ გერმანელთა ერთ-ერთი შეტევისას კოტრიკაძის მიერ დაბრუნებულ ბურთს მოუსწრო „ჰანოვერის“ ცენტრალურმა თავდამსხმელმა ჰეიზერმა და გაათანაბრა ანგარიში – 1:1. რამდენიმე წუთის შემდეგ იმავე ჰეიზერმა გამოიყენა „დინამოს“ დაცვაში დაშვებული შეცდომა და წინ გაიყვანა თავისი გუნდი – 2:1.

დინამოელებმა გააძლიერეს იერიშები. იამანიძე კარგად გავიდა რამდენიმე მცველს შორის, გადასცა ბურთი კალოევს, რომელმაც კვლავ თავური დარტყმის შემდეგ აღადგინა წონასწორობა ანგარიშში – 2:2.

11 აგვისტო, 1962 წ.